

Pulchra species caule sesquipedali longè et racemosè 3-4 cephalo, folia inferiora 3-4 poll. longa 4-6 lin. lata, rami cauli adpressi subbipollicares, involucrium 6-9 lineas longum. Affinis *Sc. Ancyritanæ* a qua differt indumento hirtulo, foliis ovatis vel oblongis, floribus brevissimè pedunculatis, etc.

TRAGOPOGON KOTSCHYI Boiss.

Tr. glabrum multicaule caulibus pluribus cylindricis virgatis foliosis simplicibus erectis elatis, foliis inferioribus angustè linearibus gramineis plicatis subquinenerviis longis, intermediis a basi elliptico-oblongà longissimè acuminatis summis linearibus acuminatis, caule sub capitulis subincrassato, involucri phyllis 8 glabris lanceolatis acutis flores exteriores subæquantibus, acheniis marginalibus albis obsoletè squamoso-tuberculatis supernè sensim et modicè attenuatis, parte attenuatà semine ipso breviori, pappo sordido achenio breviori.

Hab. in graminosis ad radices montis *Demawend* propè *Ask* et in alpidibus occidentalibus montis *Elbrus* N° 372 et 723.

Planta 1-1 1/2 pedalis, folia inferiora semipedalia 1-1 1/2 lin. lata, caulina 3-4 lineas lata abruptiusculè et longissimè acuminata, capitula magnit. eorum *T. brevirostris*, achenia 8-9 lin. tantùm longa quo characterè huic speciei affine sed distinctum caulibus simplicibus, achenio apice tantùm angustato nec rostro manifesto donato.

TRAGOPOGON ACANTHOCARPUM Boiss.

Tr. glabrum, radice collo vaginato, caulibus tenuibus erectis simplicibus vel supernè parcè ramosis foliosis, foliis angustissimè linearibus plicatis gramineis longè attenuato-subulatis quinenerviis, supremis brevibus a basi oblongà subulatis, capitulis pedunculis foliosis suffultis, involucri demùm glabrati phyllis circ. 10 lanceolatis subulato-attenuatis per anthesin erecto-patulis corollà brevioribus fructiferis adpressis, acheniis acutè hexagonis ad angulos aculeis ascendentibus obsitis ad facies submuricatis in rostrum eis dimidiò brevius attenuatis, pappo sordido achenio paulò breviori.

Hab. in monte *Totschal* propè *Teheran* Kotschy N° 592. Huc etiam probabiliter spectant specimina florifera sub N° 82 ex hortis graminosis ad *Teheran*.

Habitu foliisque angustis simile *Tr. Kotschyi* sed folia caulina basi